

Nos Palabra òf Su Palabra?

Juan 8:31-32 ta bisa: Pes-ei, **Hesus** a bisa e hudiunan ei ku tabata kere den **Dje**: "Si boso keda den **Mi palabra**, boso ta berdaderamente disipelnan di **Mi**, i boso lo konosé e **Bèrdat**, i e **Bèrdat** lo hasi boso **liber**."

Si abo no tin **konosementu** di e **Bèrdat**, ta kon abo por bai hiba **Su Palabra**?

Ta 1 **Bèrdat** tin, esei nos por haña den beibel i no den e **mundu**. Ta pa esei **Dios Tata Todopoderoso** a bisa den **Oseas 4 versíkulo 6: Mi pueblo** ta wòrdu **destruí** pa falta di **konosementu** di **Mi Lei**, unda **Mi ta revelá Mi Deseonan**. Pasobra bo a rechasá **konosementu**, **Ami** tambe lo rechasá bo di ta **Mi saserdote**. Komo ku bo a lubidá e lei di bo **Dios, Ami** tambe lo lubidá bo yunan.

Si abo no tin **konosementu** di e **Bèrdat**, ta kon abo por bai hiba **Su Palabra**?

Un otro palabra pa **Lei** ta **enseñansa**. Na hebreo e palabra rais di **Torah** (ku ta wòrdu yama **Lei**) ke-men **enseñansa**. Awor si abo no tin e **enseñansa** di **Su Deseonan** ta kon abo por bini na **konosementu** di **Su Palabra**? Asta pa **Su Palabra** hasi abo **liber**? Den **Mateo 5:17 Hesus, Esun Ungi** ta bisa: "No pensa ku **Mi** a bin pone un fin na **siñansa** di e bukinan di **Lei** i di e **Profetanan**, al kontrario **Mi** a bini pa asina **Mi** laga nan **nifikashon berdadero sali na kla**."

Hesus, Salvador, Esun Ungi a bini na mundu pa **klarifiká, splika, aklará, drecha e enseñansa**, ya asina nos por tin **konosementu** di e **bèrdat** di e **Deseonan di Dios Tata**, di **Su Palabra**.

Kiko ta e **Bèrdat**?

Religion ta hasi abo **esklabo**, pero **Relashon** ta hasi abo **liber**, esei ta e **Bèrdat**.

Hesus, Salvador tabata i ta un **Hudiu** i no un Kristian, esei ta e **Bèrdat**.

Ta e **mundu** a kuminsá ku Kristianismo, esei ta e **Bèrdat**.

Buska e konosementu di Dios Tata Su Lei, Su enseñansa ya asina E por revelá Su Deseonan na abo, pa abo ta liber, liber di Bèrdat.

15 Juli 2016

Sea Bendishoná den e Amor di Yeshua Mesias
Rev. Remsly L Riley